

**Մեր ազատամարտիկները նաև ստեղծագործում են. և՛ սիրում,  
և՛ ապտակում, և՛ պարտավորեցնում...  
«Կարդա՛նք նրանց»...**

**Արաբոյին**

Սրտանց նվիրում եմ իմ քաջ հրամանատար Մանվել Եղիազարյանին՝  
լեգենդար «Արաբոյին»  
**Հայկ Եղիազարյան** /«Սպիտակ» ջոկատի մարտիկ/

Թուրք - ազերին ոտքի կանգնեց,  
Իր պապերի ուղին ընտրեց  
Գյուղ ու քաղաք հայաթափեց,  
Քոչվոր ցեղով բնակեցրեց:  
Կուշչի, Կամո և Ազատ  
Գյուղերն ընկան շատ արագ,  
Ոտքի կանգնեց Գետաշենը,  
Փոքր գյուղ՝ Մարտունաշենը:  
Մարտունաշեն փոքրիկ գյուղում  
«Արաբոն» էր վերահսկում  
Մեր օրերի հայդուկապետ՝  
Քաջ Մանվելը՝ խիզախ ասպետ:  
Ու կանգնեցին, ինչպես ասլան-  
Նենգ թշնամուն դեմ-հանդիման,  
Քաջ Արաբոն իր ջոկատով  
Պայքարեցին կյանքի գնով:  
Թշնամին երկյուղ, սարսափ էր ապրում  
Երբ «Արաբո»-յի անունն էր լսում,  
Չէ՞որ ծնվել էր մերօրյա ասպետ,  
Մի նոր Արաբո՝ քաջ ֆիդայապետ:  
Ո՛ր թեև մարտում նա վիրավորվեց,  
Նրա վեհ հոգին երբե՛ք չընկրկեց,  
Դեռ չապաքինված նորից մարտ գնաց,  
Տուն վերադարձավ նա հաղթանակած: